

Samo - Salvation Scriptures

Efēezi 2:2 Ka ñ ká goā bē le góō-n lele, bē ka bē tōn koe kanaa kē a zēnaa ñ siin le.

Kanaa le a goledenaa mēn bē kii lea lon laanka tān biin ni, yiri lea dí nyēe Lawa bōlo-tiilin bii, ka ñ ká goā bē bōlo sii.

Matiē 6:10 Toa n kiibaa daa, n foo sii bē n zēneē lon lōn ke, toa a n zēnaa tān dōn miē.

Luku 22:42 «Maa Dīi, bē n tá li, là papareē ke wōlō lui mase ganaa. Sēne, mase foo sii baran n zēnaa wa, n din wo nē n zēnaa.»

Zaā 16:7-9 Bē din tumaa kio, man taān pii ka ne: Maa woo á soe ka ganaa. A giala, bē ma woo wa, Dōmale Wole le a die ka li wa. Sēne, bē má woo, ma á die die ka la. 8 Bē á daa ñ mēn waáraa, kanaa minin kēn zēre bē ka mān mēn ne, á die bē nyēe ñ ne. Á die ñ sā nyēe ñ ne sii baraa wo gōn la, ka Lawa a peperebaa laanka a kiri-kurii ni. 9 Á re ñ sii baraa nyēe ñ ne a giala, ñ golee mase li wa.

2 Timote 2:10 Bē le na á toa, Lawa min mēnen bō, man sii tumaa sii ma ganaa bēn lēn taman yii, mān mēn bē toē, Yezu Krita bē kirisibaa mēn koe, ñ dōn nē bē le yē, ñ gugurubaa nyabaā wole dō yē bē le góō ne.

Rōmu 15:20,21 Krita tō bē a tōn nē n pē bāā mēn ne bōrō wa, má n doa ma Boo Tii Kōōn ke pē walān. A giala, ma ba li ma dí nya min kōō a dí giala kō ñ bāā-n wa. 21 Man maa dí nyēe á kōnpīi ka Lawa a boo gii-dali a boo kē-n kiē-n kēnen: «Ñ bē ñ tōn na a boo da min mēnen man wa, bēn tā re yii. Min mēnen bē ñ na a boo ma wa, bēn tā re a giala miē.»

Nya ñ dín 2:36,37 Izirayeli minin tumaa doamaa ne ñ dō taān-taānē mà ñ Yezu mēn dere gōn-a ke lēn, mà Lawa na á bē le baa minbuiin tumaa a Dēnaa laanka a Nyin-sili lea. 37 Ñ bē ñ nē bēa boon kēn ma, á ñ foo kū parsiini, ñ nē nōn da Pierē laanka dia dí-a wole gialakunun lēn la: “Dōōnōn lēn, wōsen man die wāa zēneē kēni?”

Ebrēə 4:2 A giala, wo dōn man wō Boo Tii Kōōn le ma, ka bēa minin kēn lēn wo bē lōn. Sēne, bēa boo ke le ñ nē ma, a là goon yē ñ ganaa wa, a giala, ñ bē ñ nē ma, ñ le kō a ganaa ka goleemali-n wa.

Zeremii 24:7 - Matiē 22:37 Yezu tōn pē ne: «N Dēnaa Lawa narē ka n foo din tumaa ne, ka n góō din tumaa ne, ka n pāā din tumaa ne.»

Nya ñ dín 16:14 Ñ goon ne, a tō n Lidi, a n mōnaa tōnaa tōrō kōn siē, Tiatiri kiwi min ni, á nyēebie Lawa ne. Asē na á goā n too koe parsiini, a giala, Dēnaa nā a nā a foo le bū, a nā a taasie din tumaa doa Pooli a boon kēn ganaa.

Matiē 13:14-16 Bē le na á toa, Lawa a boo gii-dali Izayii boo mēn da ñ wo a pañ li, bē le le n piē kēnen lēn: «Ñ tā re n too koe ñ nōmaa, ñ ba re boo miē wa. Ñ tā re giē ñ yii laa, ñ yii a re wōlō yii wa. 15 A giala minin kēn foo laa, ñ nē n too tā, ñ nē n yii tā, bē bie wa ñ yii á die wōlō yii, ñ too á die boo miē, ñ yiri á die a giala miē, ñ wusoo ñ da Lawa li, Lawa dō á die ñ busu nyēe ñ foo ne, sēne, bē bē a bie ñ yii li ñ sii lea wa.» 16 Kasēn mēnen bē ka yii á wōlō yii, ka too dō á boo miē, barkadēnan man ka ne!

Izayii 6:9,10 - Nya ñ dín 28:27 A giala, tɔrɔ ke lε a minin nε n foo laa, ñ nε n toon tā, ñ nε n yiin tā. Be bie wa ñ yii á re wɔlɔ yii, ñ too á re boo miε, ñ yiri á re a giala miε, ñ wusoo ñ da Lawa li, Lawa dɔ á re ñ busu nyee ñ foo ne, sene, be bε a bie ñ yii li ñ sii lεa wa.”

Marki 4:11,12 Yezu tón pε ñ nε: Lawa bε' a kii baa ñ dí lε nyee lɔn lεlε, a n sii-durii lεa. Sene, be lε na á n nyaa kasen manε sisia. Sene, min gialakunun kεn, sii din tumaa nε n nyee bεn manε ka boo gimé ne, 12 mān men bε toε, a kɔnpe ka Lawa a boo ke nε: «Ñ tá re giε ñ yii laa, sene, ñ yii a re wɔlɔ yii wa, ñ tá re n too koe ñ nɔmaa, sene, ñ ba re boo miε wa. Be bie wa, ñ tá re wusii ñ da Lawa li, Lawa dɔ á die ñ sii baraan toε ñ nε, sene, be bε a bie ñ yii li ñ sii lεa wa.»

Zaā 12:39,40 Mān men bε á toa ñ nε ñ ba golee li wa, a din Izayii lε na á be dɔ pε: 40 “Lawa na á ñ yiin tā, mān men bε toε, ñ baran wɔlɔ yε wa. Á ñ yiri tā, mān men bε toε, ñ baran boo giala ma wa, mān men bε toε, ñ baran ñ lε-mui sii kaa ñ wusoo ñ da mase Lawa li wa. Bè mañ kie, bè má ñ busu nya!”

Rōmu 11:7,8 Wɔ n die pii mà wàa kəni? Izirayeli tɔrɔ lε bε á goã giε mān men li, a be yε wa. Lawa din boesen men bɔ, bεn nε yε, gialakunun kεn sen nε boo la, ñ ná a giala ma wa. 8 A na á n pε Lawa a boo ne, bεa gialakunun kεn lεn wɔ gɔn la: «Lawa toa ñ yiri tā. Haale a da kaa pelo lε, mañ giε, sene, ñ yii a wɔlɔ yii wa, manε n too koe, sene, ñ too a boo miε wa.»

2 Tesaloniki 2:10,11 Min menen bε re bɔn bie, á re baraabaa zenee a yɔrɔ din tumaa li, a bεn yiri sā nε. Mañ die bɔn bie, a giala, sonbore men bε ñ kirisibie, ñ lε kɔ be lε ganaa lεlε ñ nε narε wa. 11 Be lε na á toa, Lawa á yiri sā ñ pāa die ñ la, mān men bε toε, ñ soε si sonbore lεa.

Matiø 13:18-23 Ka n too kɔ mān tɔrɔ pεsεli a boo gimé lε giala li kəni. 19 Min menen bε Lawa a kiibaa ñ boo ke lε miε, ñ nε ñ ba a giala miε wa, bεa dεnan man kɔnboe ka zii para nε, mān tɔrɔ lε menaa a nε. Zóo babaraa lε n die, ñ boo men lε ma, á be lε bɔ a bɔ ñ foo ne. 20 Ñ tεn dɔ n kɔnboe ka getaã bāa nε, mān tɔrɔ lε menaa a nε. Bè ñ nε boo lε ma, mañ sii fufuu ka nyenyee nε. 21 Sene, ñ ba toε a gòn bɔ ñ nε wa, a ba goñ ñ foo ne a belebɔ wa. Be lε nε, bε foo zizië daa, hinlaa bε minin man fuu nyee ñ nε Lawa a boo lε taman yii, mañ nε n piët ka Lawa-n gɔrɔ. 22 Min tεn dɔ n kɔnboe ka mān tɔrɔ nε á menaa nyan bii. Ñ nε boo lε ma koe, sene, kanaa sii a taasién laanka naforo a lεn bebelee siin man boo lε kuñ, ñ baa nε-kɔbaã wole lεa. 23 Sene, min tεn nε kɔnboe ka tān sonbore ne mān tɔrɔ menaa a nε. Ben man boo lε miε, ñ na a giala ma, mañ nε koe, ñ tεn wɔ n paabiε ñ tεn wɔ n pɔsɔrɔ, ñ tεn wɔ n pɔsɔcɔ.

2 Korenti 3:15,16 Haale tɔn pelo, bε ñ tā Muizu a sēwɔn kεn pii lɔn, a n ka tapara lε nε n koe ñ siā. 16 Yää bε min men nε n góō binyε á kɔ Dεnaa lε, tapara lε n menee a n bɔ bεa min ke siā.

Ozee 11:3-7 - Matiø 11:28-30 Ka menen tumaa bε nɔmaa nε guñ giulun, ka da ma li, ma á die susui koe ka la. 29 Ma a kakaare wa, ma a min puusə koe wa. Ma bε guñ men koe ka la ka bε lε si, ka maa doree ma, piët á re kie ka ganaa. 30 Mase bε guñ men koe ka la á puusə, a guñ a kaka wa.

Nya ñ dín 26:18 Man die n die ñ li n nε ñ yii bū, ñ soo ñ nε n bɔ wɔlɔ tì li, ñ da wɔlɔ

fúlu ganaa, ñ nə n bɔ Setaan a pàä giulun ñ da Lawa ganaa, màn men bé toe, bè ñ nə golee mase li, Lawa nə n sii baraan toa ñ ne, ñ dɔn nə băä ye kun ka Lawa wɔn ne.”

2 Timote 2:24-26 A giala, Dənaa a dí-nyali doamaa bie a goä zia-dali ləa wa. A foo doamaa ne a goä basië-n min tumaa wɔ pañ li. A doamaa ne a boo minin daraa la, á n sii sii a ganaa. 25 Min menen bé a boo liere koe, a doamaa ne, a ben doroo ka sabarebaa ne. Kontan, Lawa á die n doe ñ le, ñ wusoo ñ zənaa ñ siin kio, ñ sonbore dɔ. 26 Setaan nə kan men koa ñ ne, á ñ kū, á ñ baa a din foo sii zənaalin ləa, ñ dɔn tá boe la ñ yiri ye, ñ nə n si be la.

Sii Nyaa 3:17-19 Ma n pii mà ma n pàäma ləa, mà ñ gɔn mòn dənan baa, mà n laadoo ba mòn kón ganaa doo wa. N ba doë mà ma n yii koe yele ləa, makara-bole ləa, doobaa ləa, n né yii tere-a ləa, n né gònón koro-a dɔ ləa wa. 18 Be le ne, ma á yiri koe n la: Bè n tá zoë mà n pàäma baa min sonborebaa góö ne, sana men bé ñ ná a yoreen kɔ ka te ne, da be pii ma din lon n tɔn pàäman baa. Da mɔnaa fufun pii ma lon n wɔ n ganaa, n nə n tontoro a sii ke duru ni. Dagòä pii n lɔ n yiin ganaa, ñ tɔn wɔlɔ ye. 19 Min men bé kɔñ ma ganaa, ma n doree ka ma we ne. N gù kaa, n wusoo n sii baraan kio.

2 Korenti 7:10 A giala, Lawa bé foo-zizië men li, be le n min a giä ñ gɔn bɔyee, a wo da kirisibaa ne, a ná a ba băä koe góö bii la wa. Səne, wɔ dinin minbuiinbaa ñ foo-ziziën kən man woe wɔ-n gè ganaa.

1 Kii 18:37 - Lawa turn heart back to Lawa.

2 Korenti 4:4 A n tì a goleemali baänaan kən dɔn ganaa. A giala, Setaan men bé kanaa ke mìi la, be na á ñ yiri tā, mòn men bé toe, ñ nyan Boo Tii Kɔñ a wɔlɔ fulu ke ye wa. Bea wɔlɔ fúlu le n Krita a tɔ golebaa nyee, ase men bé Lawa din a kɔnboe ləa.

Luku 8:11-15 li kio. 14 Màn tɔrɔ men bé á menaa nyenén bii, be n ka min menen bé boo le mie, səne, ñ ba woe nyeeñe wa, taasién ləa, gɔn mònán ləa, ka kanaa a gònón nyéé ñ siin ləa ne. Be le n toe, ñ ba ne koe a ma wa. 15 Màn tɔrɔ men bé á menaa tán sonbore băä ne, be n kɔnboe ka min menen bé n too koe boo le-a, ñ si, ñ kū foo sonbore laanka a telee wole ne. Bea dənan len man goë bɔlɔgoondënaabaa la, yää ñ ne koe.» 16 Yezu pe: «Min kón ba bólón dié a tan kumé-a hinlaa a da gérén giulun wa, səne, a n dié bólón koa ñ băä ne, mòn men bé toe, min menen tumaa bé we kion, ben na a fúlu ye.

Nya ñ dín 15:11 Səne, wɔsen tá doë, wáa a din Dənaa Yezu le a bïëbaa a ləa ne, wɔsen né kirisibaa ye, ka minin kən len dɔn bé lɔn.”

Rɔmu 8:13 Bè ka á tɔ we á kɔnpii ka gònón foo siin ni, ka á re gië. Səne, Lawa Yiri barka ne, be ka gònón foo siin kən zənaa toa walan ka lenlen, ka á re yiikoonaabaa yii.